

**BAHAGIAN SUMBER MANUSIA
UNIVERSITI PENDIDIKAN SULTAN IDRIS**

**GARIS PANDUAN PELANTIKAN JAWATAN PENSYARAH UNIVERSITI
KE GRED DS14 DAN VK7 BAGI PENSYARAH ANTARABANGSA**

1.0 TUJUAN

Garis panduan ini bertujuan memaklumkan mengenai peraturan dan kaedah pelantikan jawatan Pensyarah Universiti Gred DS14 dan VK7 bagi staf antarabangsa di Universiti Pendidikan Sultan Idris (UPSI).

2.0 LATAR BELAKANG

2.1 Lantikan pensyarah antarabangsa dibuat mengikut peraturan berikut:

2.1.1 Pekeliling Perkhidmatan Sumber Manusia, Kaedah Pelantikan Pegawai Dalam Perkhidmatan Awam Dan Urusan-Urusan Lain Berkaitan Pelantikan, Versi 1.0 (2022);

2.1.2 Ceraian UP.1.1.1 Dasar Dan Prosedur Pelantikan Secara Kontrak (Contract Of Service); dan

2.1.3 Ceraian UP.1.1.4 Penurunan Kuasa Menimbang Pelantikan Secara Kontrak Oleh Institusi Pengajian Tinggi Awam.

2.2 Penetapan gred lantikan pensyarah bukan wargenegara tertakluk kepada kelayakan pengajian dan pengalaman iaitu seperti berikut:

Gred	Kelulusan Akademik	Kriteria Penetapan Gred
DS14	Sarjana atau Ph.D	(a) memiliki kelayakan akademik minimum berdasarkan skim perkhidmatan; dan (b) mempunyai pengalaman relevan selepas memenuhi syarat (a) di atas sekurang-kurangnya 11 tahun.

Gred	Kelulusan Akademik	Kriteria Penetapan Gred
VK7	Sarjana atau Ph.D	(a) memiliki kelayakan akademik minimum berdasarkan skim perkhidmatan; dan (b) mempunyai pengalaman relevan selepas memenuhi syarat (a) di atas sekurang-kurangnya 15 tahun.

2.3 UPSI mengambil inisiatif supaya kriteria pelantikan ke jawatan Pensyarah Universiti Gred DS14 dan VK7 diselaraskan di antara staf warganegara atau bukan warganegara.

2.5 Cadangan pelaksanaan dan penetapan kriteria pelantikan jawatan Pensyarah Universiti Gred DS14 (Profesor Madya) dan Gred Khas C (VK7) bagi pensyarah antarabangsa di UPSI telah dibentang dan diluluskan dalam mesyuarat berikut:

- i. Mesyuarat Jawatankuasa Pengurusan Universiti Bil. 3/2025 pada 17 Februari 2025; dan
- ii. Mesyuarat Lembaga Pengarah Universiti Kali Ke-153, Bil. 1/2025 bertarikh 20 Februari 2025.

3.0 OBJEKTIF PELAKSANAAN

- i. Penyeragaman kriteria pelantikan di antara staf warganegara dan bukan warganegara ke jawatan Pensyarah Universiti Gred DS14 (Profesor Madya) dan Gred Khas C (VK7).
- ii. Membantu mengenalpasti kepakaran pensyarah antarabangsa yang dilantik.
- iii. Membantu meningkatkan ranking Universiti; dan
- iv. Membantu mencapai KPI Universiti.

4.0 MAKLUMAT PELAKSANAAN

4.1 Pemilihan trek:

- 4.1.1 Pemilihan trek lantikan ke gred DS14 dan VK7 boleh dibuat sekurang-kurangnya **satu (1) tahun** selepas pensyarah dilantik menggunakan borang **SM1-P-Pilih/tukarTREK/2025**. Pemilihan trek kali pertama perlu mendapat kelulusan dekan fakulti dan pertukaran trek perlu mendapat kelulusan Mesyuarat Jawatankuasa Kesepakatan Untuk Pelantikan Dan Pelanjutan Kontrak Kakitangan Akademik peringkat Universiti.

4.2 Syarat pelantikan:

- 4.2.1 Syarat pelantikan ke jawatan **Pensyarah Universiti Gred DS14** adalah seperti berikut:

- a. mempunyai pengalaman sekurang-kurangnya **11 tahun**; atau pengalaman antara 9 hingga 10 tahun bagi calon dalam bidang kritikal;
- b. Memenuhi kriteria **trek pengajaran / penyelidikan / umum** seperti di **Lampiran A**;
- c. Diperakukan Mesyuarat Jawatankuasa Kesepakatan Untuk Pelantikan dan Pelanjutan Kontrak Universiti;
- d. Diperakukan oleh sekurang-kurangnya 2 penilai luar dari 3 penilai luar yang dilantik oleh UPSI (2 penilai dalam negara dan 1 penilai luar negara);
- e. Diperakukan / diluluskan oleh Mesyuarat Jawatankuasa Pengurusan Universiti (JKPU) untuk temu duga;
- f. Diperakukan oleh Jawatankuasa Penilai dan Pihak Berkuasa Melantik; dan
- g. Mendapat pas pengajian dari Jabatan Imigresen Malaysia.

- 4.2.2 Syarat pelantikan ke jawatan **Pensyarah Universiti Gred Khas C (VK7)** adalah seperti berikut:

- a. mempunyai pengalaman sekurang-kurangnya **15 tahun**; atau pengalaman antara 12 hingga 14 tahun bagi calon dalam bidang kritikal;

- b. Memenuhi kriteria **trek pengajaran / penyelidikan / umum** seperti di **Lampiran B**;
- c. Diperakukan Mesyuarat Jawatankuasa Kesepakatan Untuk Pelantikan dan Pelanjutan Kontrak Universiti;
- d. Diperakukan oleh sekurang-kurangnya 2 penilai luar dari 3 penilai luar yang dilantik oleh UPSI (2 penilai dalam negara dan 1 penilai luar negara);
- e. Diperakukan / diluluskan oleh Mesyuarat Jawatankuasa Pengurusan Universiti (JKPU) untuk temu duga;
- f. Diperakukan oleh Jawatankuasa Penilai dan Pihak Berkuasa Melantik; dan
- g. Mendapat pas pengajian dari Jabatan Imigresen Malaysia.

4.3 Kriteria pelantikan dan borang-borang berkaitan:

- 4.3.1 Kriteria pelantikan ke jawatan Pensyarah Universiti Gred DS14 – Lampiran A
- 4.3.2 Kriteria pelantikan ke jawatan Pensyarah Universiti Gred VK7 - Lampiran B
- 4.3.3 Borang pemilihan trek - SM1-P-Pilih/tukarTREK/2025

5.0 TARIKH KUATKUASA

- 5.1 Garis panduan ini berkuatkuasa mulai **1 Mei 2025**.